

Sibthorp, John ; Smith, James Edward [Editor]: Flora Graeca, sive plantarum rariorum historia, quas in provinciis aut insulis Graecis legit, investigavit et depingi curavit John Sibthorp: hic illic etiam insertae sunt pauculae species quas vir idem clarissimus, Graeciam versus navigans, in itinere, praesertim apud Italiam et Siciliam, invenit (Voluminis primi - Fasciculus primus): Vol. I.

London, 1806

Seite 23

DIANDRIA MONOGYNIA.

3

OLEA.

*Linn. G. Pl. 10. Juss. 105. Gærtn. t. 93.*

*Corolla quadrifida. Drupa supera, monosperma.*

TABULA 3.

OLEA EUROPEA.

OLEA foliis lanceolatis integerrimis subtùs discoloribus, racemis axillaribus coarctatis.

O. europæa. *Linn. Sp. Pl. 11. Ait. Hort. Kew. v. 1. 12. a. Willden. Sp. Pl. v. 1. 44. a.*

*Woodv. Med. Bot. 369. t. 136. Desfont. Atlant. v. 1. 9.*

O. sylvestris, folio duro, subtùs incano. *Tourn. Inst. 599.*

Ελαια αγρια *Dioscoridis.*

Ελαια ημερα, planta sativa, *ejusdem.*

Αγροελιά *hodiè.*

Jaban Zeitan Agagi *Turcorum.*

In insulis Graecis copiosè; etiam ad viam inter Scalam novam et Smyrnam. Ubique culta invenitur. 2.

*Arbor* humilis, patula, ramosissima, ramulis subtetragonis, incanis. *Folia* sempervirentia, opposita, patentia, subpetiolata, lanceolata, acuta, integerrima, parùm revoluta; suprâ saturatè viridia, lævia, glabra; subtùs incana, oculo armato minutè squamulosa. *Stipulae* nullæ. *Racemi* axillares, oppositi, foliis duplò breviores, densi, incani, pedicellis plerumque oppositis, brevibus. *Bractea* parvæ, concavæ, obtusæ, incanæ. *Calyx* quadrifidus, regularis. *Corolla* alba, quadripartita, regularis, patens, laciniis ovatis, obtusis, obsoletè trinerviis. *Stamina* corollæ breviora, divaricata. *Anthera* magnæ, ellipticæ, albæ. *Stylus* erectus. *Stigma* bipartitum. *Drupa* elliptica, obtusa, violacea, carne intùs albidâ, amarâ, nauseosâ, sed oleo dulci ac blando repletâ. *Nux* solitaria, ovata, acuminata, lapidea, sulcata, sæpiùs unilocularis, monosperma; in germine verò bilocularis, seminum rudimentis binis.

Variat foliis brevioribus, et ferè obovatis.

a. A. Flos magnitudine naturali et auctâ.

d. Ejusdem sectio transversa.

B. Calyx cum pistillo.

e. Nux.

c. Drupa.